



卷五十二

書名 史記一百三十卷 慶長元和間古活字印本
 撰者 漢 司馬遷 撰，劉宋 裴駰 集解，唐 司馬貞 索隱，唐 張守節 正義
 卷 卷五十二
 內容分類 史-正史-分刻-史記
 索書號 貴重-30
 編號 B1112300

[彩色首頁1](#)
[彩色首頁2](#)

[東洋文化研究所漢籍目錄 編號: B1112300](#)
[東洋文化研究所漢籍目錄所藏漢籍善本文影像資料庫 索書號: 貴重-30](#)
[漢籍善本文影像資料庫文本史記一百三十卷 慶長元和間古活字印本](#)
 版權所有: [東京大學](#) [東洋文化研究所](#)
[使用上的注意事項](#)

三皇本紀

補史紀

小司馬氏撰并注

小司馬氏云太史公作史記古今君臣宜應上自開闢下迄當代以爲一家之首尾今闕三皇而以五帝爲首者正以大戴禮有五帝德篇又帝世皆叙自黃帝已下故因以五帝本紀爲首其實三皇已遷載籍罕備然君臣之始教化之先既論古史不合全闕近代皇甫謐作帝王代紀徐整作三五歷皆論三皇已來事斯亦近古之一證今並採而集之作三皇本紀

雖復淺近聊補闕云

大皞氏風姓代燧人氏繼天而王母曰

權激諸呂 事發榮身 徙封傳嗣
亡於郢人

荆燕世家第二十一

史記五十一

齊悼惠王世家第二十二 史記五十二

齊悼惠王

正義曰年表云都臨淄

劉肥者高祖長庶男

也其母外婦也曰曹氏高祖六年立肥為齊

王食七十城諸民能齊言者皆予齊王

索隱曰謂

其語音及名物其於楚魏一云此時人多流亡故使齊言者皆還齊王

齊王孝

惠帝兄也孝惠帝二年齊王入朝惠帝與齊

王燕飲亢禮如家人

索隱曰謂齊王是兄不為君臣禮而乃自亢敵

如家人行兄弟之禮故太后怒

呂太后怒且誅齊王齊王懼

不得脫乃用其內史數計獻城陽郡

正義曰括地志

云濮州雷澤縣本漢城陽縣按後為郡也

以為魯元公主湯沐邑

呂太后喜乃得辭就國悼惠王即位十三年

以惠帝六年卒子襄立是為哀王哀王元年

孝惠帝崩呂太后稱制天下事皆決於高后

二年高后立其兄子酈侯

徐廣曰一作酈○索隱曰二字皆音

乎酈縣名在馮翊酈縣在高陽○正義曰按音呈益反括地志云故酈城在鄧州新城縣

西北四十里蓋此縣是也

呂台為呂王

索隱曰音胎呂后兄子

割齊

之濟南郡

正義曰括地志云濟南故城在為

之

呂王奉邑哀王三年其弟章入宿衛於漢呂

太后封為朱虛侯

索隱曰地理志縣名屬琅邪

以呂祿女

妻之後四年封章弟興居為東牟侯

索隱曰地理志

縣名屬東萊

皆宿衛長安中哀王八年高后割齊

琅邪郡

正義曰今沂州也

立營陵侯劉澤為琅邪王

其明年趙王友入朝幽死于邸三趙王皆廢

高后立諸呂為三王

徐廣曰燕趙梁

擅權用事朱虛

侯年二十有氣力忿劉氏不得職嘗入侍高
后燕飲高后令朱虛侯劉章為酒吏章自請
曰臣將種也請得以軍法行酒高后曰可酒
酣章進飲歌舞已而曰請為太后言耕田歌
高后兒子畜之笑曰顧而父知田耳若生而
為王子安知田乎索隱曰顧猶念也章曰臣
知之太后曰試為我言田章曰深耕耨種立
苗欲疏非其種者鋤而去之吕后默然頃之

諸吕有一人醉亡酒章追拔劍斬之而還報
曰有亡酒一人臣謹行法斬之太后左右皆
大驚業已許其軍法無以罪也因罷自是之
後諸吕憚朱虛侯雖大臣皆依朱虛侯劉氏
為益彊其明年高后崩趙王吕祿為上將軍
吕王產為相國皆居長安中聚兵以威大臣
欲為亂朱虛侯章以吕祿女為婦知其謀乃
使人陰出告其兄齊王欲令發兵西朱虛侯

東牟侯為內應以誅諸呂因立齊王為帝齊

王既聞此計乃與其舅父駟鈞

索隱曰舅謂舅父猶姨稱

母姨即中令祝午中尉魏勃陰謀殺兵齊相召

平聞之

索隱曰廣陵人召平與東陵侯召平又此召平皆似別人也功臣表平子

奴以父功封黎侯也

乃殺牟衛王宮魏勃給召平曰王

欲殺兵非有漢虎符驗也而相君圍王固善

勃請為君將兵衛衛王召平信之乃使魏勃

將兵圍王宮勃既將兵使圍相府召平曰嗟

乎道家之言當斷不斷反受其亂乃是也遂

自殺於是齊王以駟鈞為相魏勃為將軍祝

午為內史悉殺國中兵使祝午東詐琅邪王

曰呂氏作亂齊王殺兵欲西誅之齊王自以

兒子年少不習兵革之事願舉國委大王大

王自高帝將也習戰事齊王不敢離兵

索隱曰服

虔云不敢離其兵而到琅邪

使臣請大王幸之臨菑見齊

王計事并將齊兵以西平關中之亂琅邪王

信之以為然西馳見齊王齊王與魏勃等因
留琅邪王而使祝午盡發琅邪國而并將其
兵琅邪王劉澤既見欺不得反國乃說齊王
曰齊悼惠王高皇帝長子推本言之而大王
高皇帝適長孫也當立今諸大臣狐疑未有
所定而澤於劉氏最為長年大臣固待澤決
計今大王留臣無為也不如使我入關計事
齊王以為然乃益具車送琅邪王琅邪王既

行齊遂舉兵西攻呂國之濟南於是齊哀王

遺諸侯王書曰高帝平定天下王諸子弟悼

惠王王於齊悼惠王薨惠帝使留侯張良立臣

為齊王惠帝崩高后用事春秋高聽諸呂擅

廢高帝所立又殺三趙王

正義曰隱王如意
幽王友梁王恢徙

燕趙並高祖子也

滅梁燕趙

正義曰梁王恢徙燕王建
梁王恢徙趙分滅無後

也以王諸呂分齊國為四

索隱曰謂濟南琅
邪城陽并齊為四

也○正義曰琅邪郡封劉澤濟南郡以忠臣
為呂王奉邑城陽為魯元公主湯沐邑

進諫上惑亂不聽今高后崩皇帝春秋富

索隱

曰小類云年幼也此之於財方未匱竭故謂之富也未能治天下固恃

大臣諸將今諸呂又擅自尊官聚兵嚴威劫列侯忠臣矯制以令天下宗廟所以危今寡人率兵入誅不當為王者漢聞齊殺兵而西相國呂產乃遣大將軍灌嬰東擊之灌嬰至滎陽乃謀曰諸呂將兵居關中欲危劉氏而自立我今破齊還報是益呂氏資也乃留兵

屯滎陽使使喻齊王及諸侯與連和以待呂

氏之變而共誅之齊王聞之乃西取其故濟

南郡亦屯兵於齊西界以待約呂祿呂產欲

作亂關中朱虛侯與太尉勃丞相平等誅之

朱虛侯首先斬呂產於是太尉勃等乃得盡

誅諸呂而琅邪王亦從齊至長安大臣議欲

立齊王而琅邪王及大臣曰齊王母家駟鈞

惡戾虎而冠者也

張晏曰言鈞惡戾如虎而著冠

方以呂氏

故幾亂天下今又立齊王是欲復為呂氏也
代王母家薄氏君子長者且代王又親高帝
子於今見在且最為長以子則順以善人則
大臣安於是大臣乃謀迎立代王而遣朱虛
侯以誅呂氏事告齊王令罷兵灌嬰在滎陽
聞魏勃本教齊王反既誅呂氏罷齊兵使使
召責問魏勃勃曰失火之家豈暇先言大人
而後救火乎

索隱曰此蓋舊俗之言謂救火之急不暇先啓家長也亦猶國

家有難不暇待詔命也

因退立股戰而栗恐不能言者

終無他語灑將軍熟視笑曰人謂魏勃勇妄

庸人耳

索隱曰妄庸言凡妄庸劣之人

何能為乎乃罷魏勃

索隱曰罷謂不罪而放遣之

魏勃父以善鼓琴見秦皇帝

及魏勃少時欲求見齊相曹參家貧無以自

通乃常獨早夜掃齊相舍人門外相舍人怪

之以為物而伺之

索隱曰姚氏云物怪物

得勃勃曰願

見相君無因故為子掃欲以求見於是舍人

見勃曹參因以為舍人一為參御言事參以
為賢言之齊悼惠王悼惠王召見則拜為內
史始悼惠王得自置二千石及悼惠王卒而
哀王立勃用事重於齊相王既罷兵歸而代
王來立是為孝文帝孝文帝元年盡以高后
時所割齊之城陽琅邪濟南郡復與齊而徙
琅邪王王燕益封朱虛侯東牟侯各二千戶
是歲齊哀王牟太子側立是為文王齊文王

元年漢以齊之城陽郡立朱虛侯為城陽王

以齊濟北郡

正義曰今濟州
濟北王所都

立東牟侯為濟

北王二年濟北王反漢誅殺之地入于漢後

二年孝文帝盡封齊悼惠王子罷軍等七人

正義曰皆為列侯齊文王立十四年牟無子

國除地入于漢後一歲孝文帝以所封悼惠

王子分齊為王齊孝王將閭以悼惠王子楊
虛侯為齊王故齊別郡盡以王悼惠王子子

志為濟北王子辟光為濟南王子賢為菑川

王子卬為膠西王子雄渠為膠東王與城陽

齊凡七王索隱曰謂將間為齊王志為濟北王卬膠西王辟光濟南王賢菑川

王章城陽王雄渠為膠東王齊孝王十一年吳王濞楚王

戊反與兵西告諸侯曰將誅漢賊臣鼂錯以

安宗廟膠西膠東菑川濟南皆擅發兵應吳

楚欲與齊齊孝王狐疑城守不聽三國兵共

圍齊張晏曰膠西菑川濟南也齊王使路中大夫張晏曰姓路為

中大夫○索隱曰史失名故言姓及官顧氏按路氏譜中大夫名卬也卬王剛反告

於太子天子復令路中大夫還報告齊王善堅

守吾兵今破吳楚矣路中大夫至三國兵圍

臨菑數重無從入三國將劫與路中大夫盟

曰若反言漢已破矣齊趣下三國不且見屠

路中大夫既許之至城下望見齊王曰漢已

發兵百萬使太尉周亞夫擊破吳楚方引兵

救齊齊必堅守無下三國將誅路中大夫齊

初圍急陰與三國通謀約未定會聞路中大
夫從漢來喜及其大臣乃復勸王毋下三國
居無何漢將藥布平陽侯等兵至齊索隱曰平陽侯
按表是簡侯曹奇擊破三國兵解齊圍已而復聞齊
初與三國有謀將欲移其伐齊齊孝王懼乃
飲藥自殺景帝聞之以為齊首善以迫劫有
謀非其罪也乃立孝王太子壽為齊王是為
懿王續齊後而膠西膠東濟南菑川王咸誅

滅地入于漢徙濟北王王菑川齊懿王立二
十二年孝子次景立是為厲王齊厲王其母
曰紀太后太后取其弟紀氏女為厲王后王
不愛紀氏女太后欲其家重寵索隱曰重直龍反謂欲世
寵貴於王宮令其長女紀翁主入王宮索隱曰如淳云諸王
女云翁主稱其母姓故謂之紀公主正其後宮母令得近王欲
令愛紀氏女王因與其姊翁主姦齊有宦者
徐甲入事漢皇太后索隱曰謂王太后武帝母也皇太后

有愛女曰脩成君脩成君非劉氏

張晏曰王太后前嫁

金氏所生

太后憐之脩成君有女名娥太后欲嫁

之於諸侯宦者甲乃請使齊必令王上書請

娥皇太后喜使甲之齊是時齊人主父偃知

甲之使齊以取后事亦因謂甲即事成幸言

偃女願得充王後宮甲既至齊風以此事紀

太后大怒曰王有后後宮且備旦甲齊貧人

急

徐廣曰一作及

乃為宦者入事漢無補益乃欲亂

吾王家且主父偃何為者乃欲以女充後宮

徐甲大窮還報皇太后曰王已願尚娥然有

一害恐如燕王燕王者與其子昆弟姦新坐

以死亡國故以燕感太后太后曰無復言嫁

女齊事事浸淶不得聞於天子主父偃由此

亦與齊有郤主父偃方幸於天子用事因言

齊臨蓄十萬戶市租千金

索隱曰市租謂所賣之物出租日得

千金言齊人人衆殷富巨於長安此非天子衆而且富也

親弟愛子不得王此今齊王於親屬益踈乃
從容言呂太后時齊欲反吳楚時孝王樂為
亂今聞齊王與其姊亂於是天子乃拜主父
偃為齊相且正其事主父偃既至齊乃急治
王後宮宦者為王通於姊翁主所者令其辭
證皆引王王年少懼大罪為吏所執誅乃飲
藥自殺絕無後是時趙王懼主父偃一出廢
齊恐其漸踈骨肉乃上書言偃受金及輕重

之短
索隱曰謂偃挾齊不娶女之恨因言齊
之短為輕重之辭蓋言臨菑富及吳楚

孝王時
事是也
天子亦既囚偃公孫弘言齊王以憂

死母後國入漢非誅偃無以塞天下之望遂
誅偃齊厲王立五年死母後國入于漢齊悼
惠王後尚有二國城陽及菑川菑川地比齊
天子憐齊為悼惠王冢園在郡割臨菑東環
悼惠王冢園邑盡以予菑川以秦悼惠王祭
祀城陽景王章正義曰年表云都莒也齊悼惠王子以

朱虛侯與大臣共誅諸呂而章身首先斬相
國呂王產於未央宮孝文帝既立益封章二
千戶賜金千斤孝文二年以齊之城陽郡立
章為城陽王立二年卒子喜立是為共王共
王八年從王淮南索隱曰當孝文帝之十二年也○正義曰年表云都
陳四年復還王城陽凡三十三年卒子建延
立是為頃王頃王二十八年卒子義立是為
敬王敬王九年卒子武立是為惠王惠王十

一年卒子順立是為荒王荒王四十六年卒

子恢立

徐廣曰廿二

是為戴王戴王八年卒子

景立至建始三年

正義曰建始成帝年號從建始四年上至天漢四年

六十七矣蓋十五歲卒濟北王興居

正義曰都濟州

也齊悼惠王子以東牟侯助大臣誅諸呂功

少及文帝從代來興居曰請與太僕嬰入清

宮廢少帝共與大臣尊立孝文帝孝文帝二

年以齊之濟北郡立興居為濟北王與城陽

王俱立立二年及始大臣誅呂氏時朱虛侯
功尤大許盡以趙地王朱虛侯盡以梁地王
東牟侯及孝文帝立聞朱虛東牟之初欲立
齊王故絀其功及二年王諸子乃割齊二郡
以王章興居章興居自以失職奪功章死而
興居聞匈奴大入漢漢多發兵使丞相灌嬰
擊之文帝親幸太原以為天子自擊胡遂發
兵及於濟北天子聞之罷丞相及行兵皆歸

長安使棘蒲侯柴將軍

張晏曰柴武

擊破虜濟北

王王自殺地入于漢為郡後十二年文帝十

六年復以齊悼惠王子安都侯

正義曰安都故城在瀛州

高陽縣西南三十九里

志為濟北王

索隱曰地理志安都關

十一

年吳楚反時志堅守不與諸侯合謀吳楚已

平徙志王菑川濟南王辟光

正義曰辟音齊徙都濟南郡

悼惠王子以勒侯

索隱曰勒漢書作勃皆音力地理志縣名屬平原也

孝文十六年為濟南王十一年與吳楚反漢

擊破殺辟光以濟南為郡地入于漢菑川王

賢正義曰年表云菑川王都劇故城在青州壽光縣西三十一里齊悼惠王

子以武城侯索隱曰按地理志縣名屬平原也○正義曰貝州縣文帝

十六年為菑川王十一年與吳楚反漢擊破

殺賢天子因徙濟北王志王菑川志以齊悼

惠王子以安都侯王濟北菑川王反母後乃

徙濟北王王菑川凡立三十五年卒謚為懿

王子建代立是為靖王二十年卒子遺代立

是為頃王三十六年卒子終古立是為思王

二十八年卒子尚立是為孝王五年卒子橫

立至建始正義曰亦緒少孫次之三年十一歲卒膠西

王卬正義曰卬五郎反年表云都高苑括地志云西苑故城在淄州長川縣北四里

齊悼惠王子以昌平侯正義曰括地志云昌平故城在幽州東南

六十文帝十六年為膠西王十一年與吳楚

反漢擊破殺卬地入于漢為膠西郡膠東王

雄渠正義曰年表云都即墨按即墨故城在萊州膠東縣南六十里齊悼惠

王子以白石侯

索隱曰地理志縣名屬金城○正義曰白石古城在德州

安德縣北二十里

文帝十六年為膠東王十一年與

吳楚反漢擊破殺雄渠地入于漢為膠東郡
太史公曰諸侯大國無過齊悼惠王以海內
初定子弟少激秦之無尺土封故大封同姓
以鎮萬民之心及後分裂固其理也

索隱述贊曰

漢矯秦制

樹屏自彊

表海大國

悉封齊王

呂后肆怒

乃獻城陽

哀王嗣立

其力不量

朱虛仕漢

功大策長

東牟受賞

稱亂貽殃

膠東濟北

雄渠辟光

齊雖亡國

忠孝者昌

齊悼惠王世家第二十二 史記五十二